

वि। अंजिऽभिः। दिवः। आतासु। अद्यौत्। अप। कृष्णां। निऽनिजं। देवी। आवः०।
 प्रऽबोधयंती। अरुणेभिः। अश्वैः। आ। उषाः। याति। सुऽयुजा। रथेन ॥
 आऽवहंती। पोषा। वार्याणि। चित्रं। केतुं। कृणुते। चेकिताना।
 इयुषीणां। उपऽमा। शश्वतीनां। विऽभातीनां। प्रथमा। उषाः। वि। अश्वैत् ॥ ३ ॥
 उत्। ईर्ध्वं। जीवः। असुः। नः। आ। अगात्। अप। प्र। अगात्। तमः। आ। ज्योतिः। एति।
 अरैक्। पंथां। यातवे। सूर्याय। अगन्म। यत्र। प्रऽतिरंते। आयुः ॥
 स्यूमना। वाचः। उत्। इयति। वहिः। स्तवानः। रेभः। उषसः। विऽभातीः।
 अद्य। तत्। उच्छ। गृणते। मघोनि। अस्मे०। आयुः। नि। दिदीहि। प्रजाऽवत् ॥
 याः। गोऽमतीः। उषसः। सर्वऽवीराः। विऽउच्छंति। दाशुषे। मर्त्याय।
 वायोऽइव। सूनृतांनां। उत्ऽअर्के। ताः। अश्वऽदाः। अश्ववत्। सोमऽसुत्वा ॥
 माता। देवानां। अदितेः। अनीकं। यज्ञस्य। केतुः। बृहती। वि। भाहि।
 प्रशस्तिऽकृत्। ब्रह्मणे। नः। वि। उच्छ। आ। नः। जनै। जनय। विश्वऽवारे ॥
 यत्। चित्रं। अप्रः। उषसः। वहंति। ईजानाय। शशमानाय। भद्रं।
 तत्। नः। मित्रः। वरुणः। ममहंतां। अदितिः। सिंधुः। पृथिवी। उत्। द्यौः ॥ ४ ॥

इमाः। रुद्राय। तवसे। कपर्दिने। क्षयत्ऽवीराय। प्र। भरामहे। मतीः।
 यथा। शं। असत्। द्विऽपदे। चतुऽपदे। विश्वं। पुष्टं। यामे। अस्मिन्। अनातुरं ॥
 मृळ। नः। रुद्र। उत्। नः। मयः। कृधि। क्षयत्ऽवीराय। नमसा। विधेम। ते।
 यत्। शं। च। योः। च। मनुः। आऽयेजे। पिता। तत्। अश्याम। तव। रुद्र। प्रऽनीतिषु ॥
 अश्याम। ते। सुऽमतिं। देवऽयज्यया। क्षयत्ऽवीरस्य। तव। रुद्र। मीढुः।
 सुमऽयन्। इत्। विशः। अस्माकं। आ। चर। अरिष्टऽवीराः। जुहवाम। ते। हविः ॥
 त्वेषं। वयं। रुद्रं। यज्ञऽसाधं। वंक्नुं। कविं। अवसे। नि। ह्यामहे।
 आरे। अस्मत्। दैव्यं। हेळः। अस्यतु। सुऽमतिं। इत्। वयं। अस्य। आ। वृणीमहे ॥
 दिवः। वराहं। अरुषं। कपर्दिनं। त्वेषं। रूपं। नमसा। नि। ह्यामहे।
 हस्ते। बिभ्रत्। भेषजा। वार्याणि। शर्म। वर्म। छर्दिः। अस्मभ्यं। यंसत् ॥ ५ ॥